



## Skýrsla stjórnar Þekkingarseturs Suðurnesja fyrir starfsárið 2018

Ég býð ykkur velkomin til sjöunda ársfundar sjálfseignarstofnunarinnar Þekkingarseturs Suðurnesja sem er haldinn nú í dag 5. maí 2018. Hér verður gert grein fyrir starfsemi ársins 2018.

Stjórn Þekkingarseturs Suðurnesja var þannig skipuð árið 2018:

- Fríða Stefánsdóttir er fulltrúi Sandgerðisbæjar og er stjórnarformaður
- Jóna Rut Jónsdóttir er skipuð af Sambandi sveitarfélaga á Suðurnesjum
- Halldór P. Halldórsson er fulltrúi Rannsóknarseturs HÍ á Suðurnesjum
- Daníel Coaten er fulltrúi Keilis
- Björk Guðjónsdóttir er skipuð af Náttúrustofu Suðvesturlands

Varamenn í stjórn eru eftirfarandi:

- Ólafur Þór Ólafsson
- Þorvaldur Örn Árnason
- Rögnvaldur Ólafsson
- Hjálmar Árnason
- Ó. Sindri Gíslason

Forstöðumaður Þekkingarseturs Suðurnesja er Hanna María Kristjánsdóttir og ætlar hún, hér á eftir, að fara betur yfir starfsemi Þekkingarsetursins árið 2018.

Stjórnin fundaði fimm sinnum á starfsárinu.

Þekkingarsetur Suðurnesja er með samstarfssaming við Mennta- og menningarmálaráðuneytið sem var í gildi út árið 2018. Samningur hefur verið framlengdur út 2019.

Setrið vinnur samkvæmt stefnu sem var samþykkt af stjórn í september 2014. Í henni er fjallað um gildi, leiðarljós, hlutverk og markmið setursins. Gildin eru rannsóknir, fræðsla og fagmennska og hvílir grunnur starfseminnar á þeim. Leiðarljósið sem vísar veginn er að Þekkingarsetrið sé miðstöð rannsóknastarfs og rannsakenda á sviði náttúrufræða og tengdra greina á Suðurnesjum. Hlutverk setursins er að stuðla að eflingu rannsókna, bjóða upp á fyrirmyndaraðstöðu til rannsókna og

stuðla að fjölbreytni í atvinnulífi. Markmiðin snúa að rannsóknum og þróun, háskólanámi og samþættingu þekkingarstarfs, símenntun og samstarfi við aðrar menntastofnanir á Suðurnesjum.

### **Rannsóknir og þróun**

Náttúrustofa Suðvesturlands og Rannsóknasetur Háskóla Íslands á Suðurnesjum eru stoðstofnanir þekkingarsetursins og sjá að mestu leyti um rannsóknarhluta þess. Áherslusviðin voru sem fyrr fuglafræði, sjávarlíffræði og eiturefnavistfræði.

Í þekkingasetrinu eru tvær sýningar.

Hin glæsilega sýning *Heimskautin heilla* sem nú er verið að taka í gegn, þar sem verið er að endurnýja skjávarpa, hljóð og önnur tæki. Sýningin fjallar um ævi og starf franska vísindamannsins Jean-Baptiste Charcot hefur nú staðið í rúman áratug. Sýningin er samstarfsverkefni Suðurnesjabæjar, Háskóla Íslands, þekkingarseturs Suðurnesja og fjölskyldu Charcot.

Auk sýningarinnar um Charcot er ýmislegt annað forvitnilegt að sjá hér í þekkingasetrinu. Þar má nefna spennandi náttúrugripasýningu þar sem eru lifandi sjávardýr og rannsóknaraðstaða fyrir börn sem býður upp á spennandi kosti fyrir skólahópa. Sýningin "Huldir heimar hafsins - ljós þangálfanna" eftir Katrínu Þorvaldsdóttur og Eydísi Mary Jónsdóttur og samstarfsfólk þeirra er á neðri hæð setursins.

Þekkingasetrið tók þátt í Safnahelgi á suðurnesjum og Sandgerðisdögum með ókeypis aðgangi að sýningum. Margir gestir heimsækja sýningarnar á þessum dögum á hverju ári og var árið í fyrra engin undantekning.

### **Starfsmannahald, fjármál og styrkir**

Í dag starfa 3 starfsmenn í þekkingasetri Suðurnesja í 2,5 stöðugildum.

Árið 2018 fékk þekkingasetrið styrk frá Uppbyggingasjóði Suðurnesja uppá 2,5 milljónir, í verkefnið *Samfélagsvísindi á Suðurnesjum*. Úttekt var gerð á Síla - mávavarpi á Miðnesheiði og markvisst unnið að því að tengja samfélagið við þá frábæru vinnu sem á sér stað í þekkingasetrinu okkar. Verkefnið var unnið í samstarfi við Náttúrustofu Suðvesturlands, Reykjanes GEOPARK og Markaðsstofu Reykjanes. Viðburðurinn var síðan hluti af dagskrá Jarðvangsviku.

Stjórn þekkingarsetursins samþykkti rekstraráætlun fyrir árið 2018 á fundi sínum í nóvember 2017. Áætlaðar tekjur ársins voru um 40,6 milljónir króna og útgjöld um hálfri milljón króna lægri. Tæplega helmingur teknanna kemur frá ríkissjóði eða rúmar 17 milljónir króna. Eftirstöðvar rekstarfangs eru settar í sjóð til að standa straum af óvæntum fjárútlátum.

### **Lokaorð**

**Hér í þekkingasetrinu fer fram gríðarlega mikilvæg og öflug vísindastarfsemi á heimsmælikvarða og samfélagsleg ábyrgð okkar allra er að tryggja að þessi starfsemi geti haldið áfram að vaxa og dafna.**

**Enn þá á eftir að klára samning um rekstur þekkingarseturs og nýs sveitarfélags Suðurnesjabæjar. Samstarfið hefur verið farsælt en eru nokkrar spurningar uppi, eins og t.d.**

hver er framtíðarsýn nýs sveitarfélags þegar kemur að uppbyggingu og starfsemi þekkingasetursins.

Að lokum vil ég þakka samstarfsfólki mínu í stjórn og Hönnu Maríu Kristjánsdóttur forstöðumanni ánægjulegt samstarf.

Fríða Stefánsdóttir

Stjórnarformaður